

小倉山房文集

小倉山房文集卷二十四

錢唐袁枚子才

鑲硯銘

制硯如連鑲。欲維婁我。惟汝可。

斧硯銘

文事也而武其制。取殺墨如鋒之義。

又

筆可爲刀。硯宜作斧。膏以喻糜。英雄用武。

朴硯銘

石所子朴而婉。交墨子不染。墨子遇之日。形其短。

師恩硯銘

吾師乎。以此爲田。授之于吾。而荒其莊。嗚呼。

鐘硯銘

有扁斯石。鳧氏爲鐘。不窕不樛。搏身而鴻。旋蟲爲幹。龍賓作宮。適用副墨。摹形考工。扣而鳴之。儒名翁翁。

鏡硯銘

石與之形。金與之貌。如玉如瑩。亦元亦妙。十二龍賓。藉君作照。

方硯銘

面如田。長陷而方。阡潤如泉。細理而靡。顏居萬石之間。惟汝稱賢。得之偶然。不名一錢。使主人今生愛憐。居吾語汝。假我數年。露滴硃研。染盡湘東八萬箋。慎勿隨無。

墨者而與之周旋

汶硯銘

石有以密密不罅墨可永夜

貨布硯銘

如貨如布數硯以對惟士之富

井田硯銘

耕于田夜得息耕于硯夜兀兀問胡不休曰期所收千萬年後乃始有秋

竹節杖銘

寸寸節母乃太杖者出人盡怪顛而能扶始知其可愛

方竹杖銘

其狀迂其節拘有欲規而圓之者先生曰吁

都盛盤銘

盧叟製器負重名其漆欲測膠欲堅朱色而昔粹而清
椀巖幌匡桷禁繁飾雕所到罔勿精曹王髹器五觚平
周君畫筴龍虵形公然神妙能追爭我製爲盤名都盛
邕支以載量克勝其大不楸歆不傾陰花細纈珊瑚明
蘋霞隱隱東方生佩阿耀采龍寶馨鱗羅布列瓊瑤英
文房靜對娛心靈星回于天器始成傳之子孫價連城
紀何年作歲在庚

策秀才文五道

問孔子刪詩書定禮樂修春秋此說相傳久矣然考之
論語惟從先進似定禮正雅頌似定樂其餘俱無明文
夫子自稱述而不作信而好古曰多聞闕疑曰吾猶及
見史之闕文詩書古也孔子所信所好所雅言者也就
有所疑闕之可也毅然刪之而不學史之闕文何也春
秋之夏五郭公至無謂者也逸書之升陟毫姑逸詩之
棠棣素以爲絢皆有意義者也不刪無謂之春秋而刪
有意義之詩書又何也今治春秋者從經乎從傳乎必
曰從經然從經者果束三傳于高閣試問春秋第一篇
鄭伯克段于鄆鄭爲何伯段爲何人克爲何事鄆爲何

地開卷茫然雖鬼不知也必曰不得不考于傳矣然則傳所載桓公隱公皆被弑而經皆書公薨隱弑者之冤滅逆臣之迹豈非作春秋而亂臣賊子喜歟若曰爲國諱小惡書大惡不書毋乃戒人爲小惡而勸人爲大惡歟當孔子修春秋時豈逆知將來有公羊穀梁之徒爲之疏解歟抑豈與作三傳之人同時發凡起例而爲之歟左氏韓宣子適魯見易象與魯春秋以爲周禮在魯似春秋爲魯史無疑然楚語莊王傳太子申叔時教之以春秋晉語稱羊舌肸習于春秋其時孔子未修而春秋一書楚晉二國已傳誦之者又何也

問若稽古帝堯此追序之詞也不干百年何遽稱古然

則堯典者夏書耶商周書耶康成訓古爲天稽爲同堯
舜同天可也臯陶同天亦可歟孔安國疏稽古爲順考
古道而行夫豈問古無有也治水古無有也然則堯之
所順考而行者何古也不能先覺而試鯀九載民何辜
歟不明試以功而試以二女有此試人法歟納于大麓
果卽捐階焚廬意歟抑是大錄天下之政歟歲二月東
巡至十月而五嶽已畢天子之車吉行三十里其周流
得及歟朱子註詩不取傳箋頗爲昔人所訾然毛鄭以
召南平王爲平正之王周頌成康爲成安祖考之義改
前王之謚法以張其私說楚茨諸篇皆田功祭祀之事
而以爲刺幽王采蘭贈芍不無男女之思而以爲刺國

政履帝武敏明似高辛之從而必以爲感人道曾孫來止是成王勸農而必以爲與王后同行朱子廓清之功安可少歟然朱子所謂寡婦見鰥夫而欲嫁之及淫婦爲人所棄云云亦卒無考而黍離一詩或以作者爲箕子爲衛伋爲伯奇關雎一詩或以作者爲畢公爲后妃爲應門失守其將誰信歟

問論語古註訓學字爲誦習朱注學之爲言效也因說文學字中有爻字易云爻者效此者也以效訓學義蓋本此然人情誦而習之悅也效人之所爲而習之何所悅歟子曰敏而好學曰則以學文曰博學于文曰思而不學曰學詩曰學易學似主誦習說而子路曰何必讀

書然後爲學則直指讀書爲學尤彰明矣宋儒乃以多讀書爲玩物喪志何歟使解學字過高則聖人十有五而志學之時已足包括不惑知天命而又何必再加數十年之閱歷歟然孔子稱顏淵不遷怒不貳過爲學似又與讀書有間豈古之讀書非今之讀書歟且今之三尺童子誰非誦周南召南者而卒之正牆面而立者白首猶然又何也

問正統之名始于北宋道統之名始于南宋夫所謂正統者不過曰有天下云爾其有天下也天與之其正與否則人加之也所謂道統者不過曰爲聖賢云爾其爲聖賢也共爲之其統與非統則又私加之也夫人心不

同各如其面或曰正或曰不正或曰統或曰非統果有
定歟無定歟唐以前作史者時而三國則三國之時而
南北則南北之某聖人也從而聖之某賢人也從而賢
之其說簡其義公論者亦無異詞自正統道統之說生
而人不能無惑試問以篡弑得國者爲不正是開闢以
來惟唐虞爲正統而其他皆非也以誅無道者爲正則
三代以下又惟漢高爲正統而其他皆非也此說之必
窮者也然論正統者猶有山河疆宇之可考而道者乃
空虛無形之物曰某傳統某受統誰見其荷于肩而擔
于背歟堯舜禹皋並時而生是一時有四統也統不太
密歟孔孟後直接程朱是千年無一統也統不太疎歟

甚有繪旁行斜上之譜以序道統之宗支者倘有隱居求志之人。邈世不見知而不悔者。何以處之。或曰。以有所著述者爲統也。倘有躬行君子不肯託諸空言者。又何以處之。毋亦廢正統之說。而后作史之義明。廢道統之說。而后聖人之教大歟。

問格物致知考古書格字雖有十八解。而朱子以讀書窮理當之。自是不刊之論。惜其所補本傳不無語病。曰窮致事物之理。以造乎其極。天下物無窮。則格亦無窮。曰一旦豁然貫通。學者格無窮。則道亦無日。未免啓人之疑。按先儒有以知止一節至物有本末。事有終始。爲格致本傳者。此正合乎朱子之說。而其理較精。子曰文

武之政布在方策此非治國平天下者所當格歟易曰
多識前言往行以畜其德此非修身齊家者所當格歟
多學而識是非夫子之格物歟一以貫之是非夫子之
致知歟然則大學所謂物豈一蟲一鳥之物所謂知豈
一寸一節之知歟子靜陽明求其解而不得乃創爲尊
德性致良知之說以爲萬物備于我不必求于物審是
則適之事父遠之事君尊其德性而不必學夫詩也子
入太廟子所雅言致其良知而不必詩書執禮每事問
也以孔子之良知當不在子靜陽明下而何以終日不
食終夜不寢以思無益者何耶又何以必至齊而后能
聞韶必返衛而后能正樂必問于郊子老子而后能知

官知禮耶。袒陽明者動云良知二字本于孟子。不知孟子之語業已可疑。夫孩提之童無不知愛其親者。非愛其親也。愛其乳也。早離其親而使他人乳之。則雖中上之資亦未必不以他人爲母。而終身不知其親矣。今將致其索乳之良知而擴充之。則徒近乎告子食色爲性之說。而與聖道愈遠。蓋亦廣咨博訪。必如孔子問聊曼父之母而后知父墓之所有歟。及其長也。紉兄之臂者亦頗不少。是亦足爲良知而擴充之歟。或孟子陸王皆中人以上之語。不可以語下。而論格致者終當以朱子爲正歟。

論語解四篇

諸子百家冒孔子之言者多矣。雖論語吾不能無疑焉。夫子之所最重者仁也。以顏子之資。僅許以三月。其他令尹子文。陳文子。皆不許也。何至於管仲而曰如其仁。如其仁。管仲果仁矣。天下有仁人而器小不儉。且不知禮者乎。天下之知禮能儉。且器不小者。或未必仁也。騰口說而持之過堅。使前後不合。後世之慎言語少許可者。且不然而謂聖人然乎。然則何以有此曰。論語有齊論。魯論之分。齊人最尊管仲。所謂子誠齊人也。知管仲晏子而已矣。以管仲爲仁者。齊之弟子記之也。故上篇齊桓公正而不謫。下篇陳成子弑簡公。非齊論而何。魯

人素薄管仲。所謂五尺之童。羞稱五霸。以管仲爲無一可者。魯之弟子記之也。故上文哀公問社。下文子語魯太師以樂。非魯論而何。均有僞託未足爲信。然則聖人之言。如何曰人也。奪伯氏駢邑三百。沒齒而無怨焉。善善從長。譽而不過。此聖人之論管仲也。

論語一書。須知命名之義。論議論也。語語人也。自學而起。以至卒章。皆與人議論之語。而非夫子之咄咄書空也。記者記其言而不記其所以言。致註疏家往往窒礙其答弟子問者。則詳於師說而畧於問辭。記言之體應爾也。孟武伯、孟懿子及游夏問孝。聖人答之不同。仲弓、顏回、樊遲、司馬牛問仁。聖人答之不同。子貢子路仲弓

問政聖人答之不同宋儒以爲就人所不足者教之非也當時問者各有其人之議論而夫子爲之折衷記言者不詳載問詞而統括大義則曰問仁問孝問政云爾人非木偶豈有言無枝葉突然舉一字以相問者况仁孝政一問可也何必重複問耶一人問可也何必各人問耶顏淵問爲邦夫子合三代言之當時周德雖衰天命未改夫子從周之意惓惓不忘一旦生今反古斟酌百王豈以顏淵爲五百年之王者哉當時顏子非問爲邦也論時論輅論冕論樂如今之論史者然記者不欲舉其辭則統括之曰問爲邦云爾夫子如其問而定之時則夏輅則殷冕則周樂則韶亦如今之論史者然其

他爲邦之兵農刑政不問則不答也不然豈有南面爲君僅頒一歷乘一車戴一冠奏一部樂而竟謂治國平天下之道已盡於此乎疑孔顏論爲邦必不簡畧至此然則何以證其各人之問不相同歟日子路問聞斯行諸子曰有父兄在冉有問聞斯行諸子曰聞斯行之此則兩人之問相同也而夫子答異其時公西華惑且問矣若孟懿子孟武伯游夏仲弓樊遲司馬牛數人果問同而答異則在旁側耳者豈無公西華其人起而一問其所以不同之故耶倘諸人於相見時各述其先生之說又安能不違如愚而不互相質難耶蓋公西華之所以疑者問同而答不同故也公西華之所以不疑者答

異問亦異故也。犁牛之子云云。或與仲弓論人才。或與仲弓論郊祀。俱不可知。而仲弓之言不載。從所畧也不明。記言之體而強解焉。于是史遷謂仲弓父賤。何晏謂仲弓父不善。朱子謂司馬牛多言而躁。樊遲蠢鄙近利。皆以意爲之。不可爲典要。

如或知爾。則何以哉。問酬知也。曾點之對。絕不相蒙。而夫子何以與之。王充以舞雩爲祭。名童子爲歌童。未免附會。吾以爲非與曾點也。與三子也。明與而何以實不與。曰沂水春風。卽乘桴浮於海也。從我之由。卽吾與之點也。子路聞之喜。卽點之從而後也。赤也爲之小。孰能爲之大。安見方六七十。如五六十而非邦也者。層層駁。

斥卽由也好勇無所以材之責也聖人無一日忘天下而門下子路能兵冉有能足民公西華能禮樂三子之才雖不言夫子已素知之第問之試其自信否旣自信矣倘明王復作天下宗子與三子各行其志則東周之復期月而已可也無如轍環天下終於吾道之不行不如沂水春風一歌一浴較浮海居夷其樂殊勝蓋三子之言畢而夫子之心傷矣適曾點曠達之言冷然入耳遂不覺嘆而與之非果與聖心契合也如果與聖心契合在夫子當莞爾而笑不當喟然而歎在曾點當聲入心通不違如愚不當愈問而愈遠且受嗔斥也蓋歎者有悲憤慷慨之意無相視莫逆之心夫子之好學也至

矣曰飽食終日無所用心難矣哉曰賜也賢乎夫
不暇樊遲從遊於無_何問崇德修慝辨惑曰善哉問遊
不忘學爲善而顧_不學而遊乎夫子之欲仕也至矣
爲委吏爲乘田公山佛肸召皆欲往其喜人仕也又至
矣仲弓爲季氏宰_而路冉有爲季氏宰漆雕開不仕則
使之仕曰吾斯之_{不能}信子悅悅者悅其待能信而仕
非悅其不仕也三_無君則皇皇然而顧能與點遊乎
宰儒非曠達者震于夫子之與點而不得其故則遂夸
因物付物堯舜氣象上下與天地同流過矣然則巢由
沮溺後世嵇阮一流皆聖人耶

子見南子子路不悅漢宋儒註疏以子路爲南子淫亂

夫子不當見故不悅亦有訓南子爲南蒯者是以公山弗狃佛肸兩章例之非本旨也王充訓否字作否卦之否天厭作厭勝解亦屬支離夫內言不出於閭南子之淫陰事也中才之人不道人賤昧而况聖賢乎而况國后乎夫子何人而子路以劉楨平視之意測之太鄙朱子註大夫入國有見其小君之禮此語雖不見經傳然聘禮載同姓之國夫人使下大夫勞使臣以二竹簋魯衛兄弟也君夫人與外臣通問禮也原不計夫人之賢否也孔子不引禮以折子路而乃急而援天以自明更鄙予以爲子路仕孔文子者也孔文子出公黨也子路賢人也且勇者也賢而勇但知食人之祿忠人之事而

不暇總全局以審其大聖人固不然衛君待子爲政之問意欲夫子之助出公也不料夫子之忽答以正名也玩必也二字之神夫子亦早知子路之意而故鄭重其詞曰必如是則我爲政不如是則我不爲政也予不仕於無父之國也云爾於是拂子路意而以大迂其墨墨然不悅也久矣冉有者子路黨也不得已再托子貢探之子貢又不得已假伯夷叔齊以探之其不得已何也兩賢皆知夫子未必爲衛君而誠慮道破轉無味故也乃夫子復有求仁得仁之語而不爲之意昭然若揭則子路聞之又必墨墨然不悅也久矣一旦子見南子子路以爲出公南子所立也子旣不爲出公又何必見

南子言與行違其所以不悅者一也南子專政者也又

能敬蘧伯玉而知賢者也倘敬夫子而夫子告以正名

之迂說又告以求仁得仁之故事未必不動其母子之

天性召蒯賁黜出公而孔文子且有旦夕之禍其所以

不悅者二也公山佛肸章所稱子欲往者將往未往之

詞子見南子明是已見之詞已見則夫子必有與南子

問答之語記者雖不載而子路當時必知之其所以不

悅者三也然則夫子何以矢之曰此夫子之怒詞也怒

野哉之山屢說不明故不得不以中人以下之語教之

也言予之正名乃天經地義也使予見南子而不告以

正名爲急則將獲罪於天而天且厭之矣天之所助者

信也。人之所助者順也。名不正則不信。不順而天將厭之。曰。由也。不得其死。然曰。柴也。其來由也死矣。皆天厭之。之明證也。子疾病。子路使門人爲臣。意非不善。而夫子亦呼天而斥之。何也。按儀禮喪服章。家臣爲大夫斬衰三年。以大夫而上同天子僭也。此後進之禮樂也。夫子平日惡之久矣。然而不言者。居是國。不非其大夫。故耳。一旦疾甚。而幾自陷於大不韙。則病間而安得不呼天以怒耶。子路賢人也。且勇者也。但知忠君耳。但知尊師耳。不暇總全局以審其大鳴呼此聖人賢人之辨也。

正名者何晏註正百物之名鄭康成以名爲字義余獨取朱子不父其父而稱其祖之說語氣較近

坐觀垂釣賦

爲莊念農作二十五卷

子才子息志塵鞅棲神元妙迥謝軒冕日事漁釣過其
友莊先生而傲之曰子亦知夫釣之樂乎當子之狶膏
棘軸而遨盪于康衢也吾則琅玕三尺冰蠶一絲馳波
跳沫與水爲嬉當子之僕邀相從跼踖莊鞠踞泰衙府而
不得舒也吾乃投亞九飯祝一鮒魚伸眉肆肘天不能
拘思子之樂樂不我如胡不易子之所事而娛吾之所
娛莊先生曰不然吾聞好汨者溺好獵者驚當局者悞
旁觀者清故五采之藻袞服之者不見而見之者耀焉
五音之笙簫吹之者不聞而聞之者妙焉當夫霜竹浮
陰風梧散葉夕炤千里碧雲一色水蕩影以鱗鱗魚浮

空而戢戢乃命童子坐危石俯深流投醜扇以爲餌削
焦銅以爲鉤或沉或浮載泳載游余不持一綫但瞪雙
眸試操縱之有道任貪廉之自求彼得吾不喜彼失吾
不憂抒澹觀於物外何筌蹄之足謀於是神如東王公
之鯉大如任公子之鰲年如姜尚父之老臺如嚴子陵
之高入吾目兮不過一瞬當吾坐兮不過終朝釣鯉魚
而無羨乎尼父會大都而奚夸夫魚刀子但知垂釣之
樂而烏知吾坐觀垂釣之逍遙子才子於是嗒然意失
惘然神爽結葦蠟蘆投繩釋網叩舷而歌曰巧人之巧
坐而息兮拙人之拙垂竿立兮吾欲作書與魴鯉慎出
入兮展如之人大巧而有愚色兮

笑賦

陸大夫本無笑疾。養空而遊。所見人士與已不作。但覺其蔽莫測。其由付之一笑。啞啞不休。則見夫金穴方崩。銅山又起。屢覆前車。仍循舊軌。廣斟雉膏。甘焚象齒。豈知有造。必化無泉。不瀉縱置。筦鑰于枕邊。難挈分文于泉下。贈百萬與何人。無一言之報謝。又見夫捨樂土。趨熱官。自投苦縣。自上危竿。取下千怨。博上一歡。或同謀而異獲。或始笑而終嘆。從高墜者。輒碎。泛海泊者。大難。然後鶴唳。思聞尊羹。想餐不已。慎乎。又見禁忌百端。福田是慕。不學顏舍。思尊管輅。王莽所信。陰陽小數。治行則黃歷。少日卜筮。則青山無墓。見術士而頭低。望神巫。

而却步。百鬼集于胸中。五行遮其前路。捨王道之蕩平。
墮終身于雲霧。又有蒲博呼盧。葉子作戲。每一登場。如
屍止。呋眸子營然。神魂囚繫。屏珍羞以忘餐。置妻孥而
若棄。一息尚存。六時不廢。試清夜以捫心。終不知其何
味。又有丹訣大悟。蒲團小叅。受錄自喜。長齋自甘。捨名
教之樂。地誦梵咒之喃喃。斬半菽于戚里。揮萬鎰于伽
藍。廣陵則妖亂有志。臺城則餓死難堪。凡此千秋之惑。
皆由一念之貪。至于誦習詩書。曠覽宇宙。何必鉏耨苛
碎。清臚似豆。披臆顏衿。逐康成後黨。枯骨以死爭。抱陳
編而苦閨。卒之古人不生長。夜不晝。徒相毆于昏黑。終
不知誰之勝負。亦有罔于習而心昏。縛于教而自束。繩

趨。溝。裏。絕。腸。蟬。腹。理。不。經。于。心。見。不。出。于。獨。寧。顯。悖。夫。
周。孔。懼。小。違。于。濂。洛。如。蠶。蟲。之。藉。角。作。耳。如。水。母。之。以。
蝦。爲。目。甚。至。八。翼。冲。舉。一。行。未。讀。相。引。爲。曹。高。冠。簇。簇。
方。且。選。才。俊。而。秉。鈞。軸。焉。若。諸。人。者。紛。紛。藉。藉。究。究。居。
居。其。氣。多。滯。其。質。本。愚。雖。有。虛。扁。之。藥。不。能。祛。其。疾。惠。
莊。之。辨。無。以。釋。其。拘。君。子。洞。觀。物。外。手。暗。抑。掄。不。得。已。
而。虛。舟。相。值。愧。謝。不。如。拈。花。無。語。舉。杯。相。於。惟。奮。然。與。
筦。爾。不。能。忍。于。須。臾。

刑部尚書加贈太傅錢文端公神道碑

今天子優禮文臣。稱爲江浙兩大老者。一爲沈公德潛。一爲錢公陳羣。沈年雖高于公。爲後進受知。今上而公則受知聖祖。世宗贊國家文明之治。先沈二十餘年。故薨後。天子加贈太傅。賜祭。諡文端。崇祀賢良。一切恩禮。較沈爲尤隆。非徒眷舊臣。兼以重先朝也。公爲錢武肅王十四世孫。高祖富一公。始遷秀水。生而敦敏。愛讀書。母陳太夫人躬自課督。公貴後。繪夜紡授經圖。皇上題詩獎許。以康熙甲午舉人辛丑進士。改翰林庶常。世宗登極。召見曰。錢陳羣不獨文佳。人亦好。遂以編修主試湖南。旋遷學士。視畿輔學政。乾隆

元年擢通政司右通政丁母憂服闋補原官累遷禮刑兩部侍郎加經筵講官充乙丑會試總裁主江西丁卯庚午兩科鄉試壬申病上命太醫診視予告歸里公天才警敏藻思宏湧每扈從輿歌帳殿前諸黃門環而伺之器刻未移百韻已就歸田後上有吟咏輒寄示公絡繹往來至千餘首凡國家大禮畢武功成公必進雅頌數十章聖書褒美賞賚不可紀極辛未南巡命閱召試諸生卷丁丑南巡命在家食一品俸壬午南巡晉刑部尚書銜乙酉南巡加太子太傅賜幼子汝器舉人辛巳祝太后七十萬壽命與九老會賜杖入朝辛卯祝太后八十萬壽命紫禁城瀛臺騎

馬偕九老遊香山圖形內府。上于公若有宿契。每入見。聖心先怡。公亦事君以誠。承顏抗詞。動引書語。頌不忘。規民隱。必告。壬午公子汝誠典試江南。上先諭總督尹文端公。招公遊攝山。俾父子歡會。聖壽六十。念公老難北行。命沈文愨公往嘉禾。互相勸止。公進竹如意。上批劄云。未頒僧紹之賜。恰致公遠之貢。文而有節。把玩良怡。今賜卿木蘭所獲鹿服食。延年以俟。清晤凡此。恩意周摯。皆出于尋常。控揣之外。龍光湛露。海內榮之。公雖研深文學。而于政治尤通明。雍正七年爲陝西宣諭化導使。宣講時有姦民某闖入聽講。公異其狀。命遮留之。果邑中捕者至。乾隆十九年。僞稿獄。

與公家居矣密奏姦民主名未立請緩窮治以省株連

奉旨嚴飭俄而諒其誠惻寵眷如初公任天而動

倜儻和易口汨汨如傾河汲引後進酬應翰墨必躬必

親日不暇給然能廢心而用形人人滿所懷以去而體

益聰強構宅雙溪之西春秋佳日輒偕故人野叟遊桑

麻間常至古杭聖湖小住信宿見者或以爲元老或以

爲神仙幼有至性弟死未殮公抱尸卧奠溫慰使甦太

夫人至見公身冷如冰乃哭而止之官通政使時以應

得已身封典請封外祖母上許之遂著爲令公諱

陳羣字主敬號香樹又自號柘南居士兩娶于俞氏皆

誥封夫人三代贈如公官子七人長汝誠官刑部侍郎

次汝恭汝慤汝豐汝隨汝弼汝器皆有官秩女九人薨
年八十九塋

銘曰 文思天子張咸英臯陶庭堅方降生爽鳩氏代
鳳鳥鳴奕奕錢公輔聖清肫然明允更篤誠爲士作鑑
文持衡有茅必拔賢必登義刑義殺廷尉平惟公折獄
能引經天牢雖空臣疾撓昧死上疏求歸耕 上帝耆
之詩寵行東門送者車千乘爭羨白鶴翔蒼冥誰知在
野如在廷堯醴舜薰時和賡君臣師友相合并四河入
海無河名五年巡狩 鑾輿迎羣臣之中喜見卿子牟
魏闕江湖情能無銜感涕沾纓韋孟雖歸王室爭丹忱
足照青史青傷哉頽光大望驚 帝猶批勅期遐齡

龍章雖來臣目暝中涓捧祭馳新塋有睟其容圖殿庭
黼銀後祚隆隆升實盱實覃多孫曾公委化矣公永寧

原任浙江巡撫盧公神道碑

乾隆四年兵部右侍郎盧公巡撫浙江枚乞假歸娶謁
公于南衙一見如舊相識矜寵甚盛次年枚官京師聞
公被劾天子命內大臣汪扎爾往按其事獄兩月不
具浙之氓呼喚罷市纂公於頌繫所昇至吳山神廟中
供舖糗粢盛者如牆而進所過處婦女呼冤躅足數萬
人赴制府軍門擊鼓保留制府德公據實奏聞天子
知公無罪而又不欲長黔首之刁風也遣戍軍臺一時
朝野駭公能得民枚亦疑公果何術以致之後四十餘
年公子崧以貞石未建來索銘幽之文讀其狀方知公
自縣令至任封疆忠勤惠愛終始一貫以故誠能動物

應如肝鬻初非違道干譽之所能襲取于須臾宜備書之抒部民之思爲大臣之式謹按公諱焯字光植號漢亭奉天鑲黃旗人先代從龍世襲恩蔭祖崇興官江西布政使父承倫官大理寺少卿公生而岐嶷槃槃有才以功業自期初知武鄉縣縣有均徭錢供差費而遇差仍按里派夫公革除之有豪家莊頭倚勢凌民公大創之有巨盜四十餘家公剿絕之遷知亳州州俗好鬪有白帽鐵帽諸黨公擒其魁餘黨解散擢知東昌府署登萊青道實授河南南汝道遷按察布政兩使巡撫福建今上元年調浙江落職再起授鴻臚寺少卿巡撫陝西再落職 命往巴里坤哈密協理軍需事竣還家年七

十五薨。公抗爽而和。與人語。姝姝然。不衣。自暖。然義之所在。赴若江河之決。武邑災。公開倉賑饑。東昌災。公放隄水入運河。飭各屬開倉賑饑。俱不待報。請便宜行事。浙江海塘特尖山爲保障。壩工屢圯。公親臨築成。上書。御製碑文以賜。西陲用兵。湖北奉部檄運歸化城米往軍前。公慮道遠費重。奏請以陝西采買者就近先撥。上嘉之。謂深得大臣敬事之道。當田文鏡總督河東時。政尚苛嚴。司道以上莫敢撓其鋒。東昌一郡所訪至二十餘案。囚纍纍。獄不能容。公到登時判遣。圜圖爲空。田心銜之。卒亦無如何也。公爲政大概以膽決濟其仁心。福建前任撫臣奏建寧田糧較明季少十之五。

六部議按畝均攤公奏請先丈量而後酌增上許之
丈無虛浮其事遂寢鹽販拒捕有登山者總督某欲用
兵公止之而密遣官禽獲首犯分別杖懲卽時案結豫
省黃河遷徙無常兩岸爭地訟牒債興公曉以漲則升
科坍則豁免一言而訟息湖州費氏大族也有兄公某
訟其弟妻李氏之姦公不忍以曖昧事污人名節爲平
反之竟以此獲譴然有識者觀公之過知公之仁公揚
休玉色軒軒霞舉長鬚飄然望而知爲公輔從武鄉運
餉入都年才強仕世宗召見卽賜飯賜豐貂墨刻香
珠等物捧至殿外又喚入命開寫年庚具奏嗚呼公
日後麾旄擁鉞垂三十年皆由此時特達之知然以縣

令微員薦引無人而簡在帝心一至于此雖公之儀
狀奏對必有異乎尋常者而卽此可想見世宗之聖
德如天求賢若渴矣遭逢之盛至今聞者猶爲泣下所
著有觀津錄牧毫政畧秉臬中州錄撫閩撫浙畧數十
卷配周氏以

覃恩誥

封夫人副室崔氏以子貴誥封宜人皆以己丑年四
月台塋於拱極山之高原禮也子五人長山蔭工部主
事次崧官衛輝太守次嶠次嶠次蚪女六人孫九人
銘曰屋漏在上知者在下主恩易邀民口難借翬翬廬
公氣如春夏弊絕吏瞿樂興人化鏡磨愈皎衣涅不緇
屢起屢躡未竟其施人爲公惜公獨迢然委運任化知

我者天天眷良臣令終壽考樹蔭幽宮鶴歸華表

經筵講官兵部尙書彭公神道碑

乾隆四十九年六月兵部尙書彭公薨于里第遺疏上
聞。天子震悼一時士大夫走位相弔泣且嘆曰。先
皇帝老臣盡矣存者惟嵇相國爲先輩而彭公科尤先
海內望之如晨星孤月倘假一二年重宴鹿鳴瓊林豈
非熙朝盛事而天偏靳之悲夫然公之清節重望恩
榮壽考于古爲稀勒之貞珉備國史之採不可廢也其
同館後進袁枚受公知五十年爲按其狀而銘之曰公
諱啟豐字翰文應鄉舉時芝生庭中因自號芝庭先世
由江西遷蘇郡之長洲祖定求康熙丙辰會試殿試俱
第一父正乾考授州同知三世皆以公貴誥贈光祿大

夫吏部右侍郎公貌清羸長不踰中人而風骨珊珊如驚飛鶴翔凌風欲去雍正三年舉于鄉四年會試第一殿試亦第一大學士張文和公奏科名與而祖同世宗喜卽召入南書房七年充河南鄉試副考官時未散館而有是命皆異數也十三年遷左春坊左中允今上登極之元年遷侍講累遷至侍讀學士通政司左通政吏兵刑三部侍郎尋授兵部尙書充經筵講官聖人知公廉明能文章凡掄才大典倚公如金鑑命校順天鄉會試者三主直省試者七視學政者二經歷滇南中州江右山左浙西轡軒所臨庶士懽迓其他讀卷殿上及闕回避拔貢教習朝考召試諸卷皆疊次

任委連綿不斷公亦飭躬齋心克與上意相副從江西還奏所過宿州有司賑災不實又奏請勅各省學臣見督撫毋卑諂應遵會典儀適上是之在浙時奏官河宜開濬漕費宜遵舊制毋浮收本省官出巡應額限役夫毋過千名任兵部時奏武職銓補遲速不均宜與卓異官均以雙單月輪班間用奏馳驛官奉使者有廩給口糧而夫役俱向驛站借雇慮開多索濫應之漸宜停例支改一馬三夫上皆可其奏發部議施行當是時上方嚮用公適有同部兩侍郎不相中造蜚語聞上引公爲證上問公公對未聞上疑有私降爲侍郎越二年以原官休于家先是公乞養歸爲娛奉太

夫人故簣山濬池蒔花竹極園林之勝至是再歸山水
益清幽樹益茂公擁萬卷嘯哦其間雖大耋聰強不衰
或春秋佳晨出遊石湖寒山士女皆知兩朝元老擁觀
塞路初公侍 內廷時 世宗賞大臣福字偶未及公

特手書以賜侍今 上泛舟賞花釣魚 命和詩至

二百餘首所賜珍玩無算祝 皇太后萬壽與九老會

圖形中禁金川蕩平公迎 駕山東進凱歌 恩復尙

書銜與宴在江南三次迎 鑾皆召見 溫諭四十九

年公迎 駕跪龍泉莊 上遙望見卽 命侍衛扶起

命秋冬北上與千叟宴公方感 上恩修安車欵行

未及期以無疾終年八十四性峭直稍不可于意卽形

詞色然過後輒不省慊慊自下遇布衣文學之士皆抗
禮與鈞枚弱冠入都卽奇賞之聞其入穀特呼車往賀
主司得人晚年猶端書細字往來唱和尤密常語人曰
袁君非徒詩文佳也聽其議論如魯公書徹透紙背其
見知如此妻朱氏

誥封一品夫人子五人長

紹謙山東桃源同知次紹觀翰林侍讀學士次紹咸增
廣生次紹升丁丑進士次紹濟尙幼女三人其一適常
州學士莊公培因甲戌科殿試第一孫十二人皆有科名
曾孫六人

銘曰庭實九獻特達圭璋簫韶九成來儀鳳皇天生彭
公爲世休祥履星辰上立日月傍帝畀玉尺東度西

量公洗心眼。清儷冰雪萬。蟻戰酣一燈。破黑拔茅使。高
升珠使跳。爛其盈門八座三。貂扃所蘊畜。施于爲政。解
豸。爽鳩屢拜。寵命周官司馬。權重中樞。公靜鎮之。四
海宴如。帝謂古賢七十懸車。卿年已屆。可以歸歟。公
拜稽首。聖恩優老。臣願歸田。咏歌天保。都人羨公。祖
餞盈道。一十七年。烟雲花鳥。臣請主安。帝問卿好。
以其餘閒。爲書院師。胡瑗孫復。歐范優爲。以其餘福。蔭
及孫曾。玉堂蕊榜。綿綿繩繩。齊門之外。新塘之東。百尺
華表。萬古清風。

原任湖北巡撫太常寺少卿程公墓志銘

公程姓名燾字九峯號雲軒系出新安之臨溪六世祖士麟遷杭州艮山門外之笕鎮公生而孤露家極貧持鉢盂盛淖糜母子分以療饑以戊午舉人補中書軍機處行走遷武選司主事引見以御史用出爲甘肅洮泯道奏母老改江南驛鹽道遷安徽按察使再遷布政使調陝西巡撫湖北剪辦獄起仍降江西布政使補太常寺少卿以病免公性樸直粵叟任氣有所懷雖權貴前必達其意任兵部事繁誤軍機處暴直之期傳忠勇公語人曰九峯久不來想戀兵部耶如彼處樂可不必再來軍機公聞之佛然曰兵部軍機皆國家事相公不當

分畛域之見。程熹才拙。僅能料簡一處。無分身法。卽遣人往軍機處取直宿行李。忠勇公笑曰。人言九峯。懃九峯。又懃耶。然其言甚正。盡爲我婉留之。同事者再三云。公始往。公常言世之論仕者有二失焉。其一以爲功名可力取也。于是通苞苴。直事造請以求之。其一以爲功名不可以力取也。于是玩時愒日而百事廢焉。不知不可求者官也。不可不求者官之事也。一階級有定數而可妄與乎一斛粟皆君恩而可素餐乎。以故公所任事。專務先難從忠勇公。傅恒平金川。從大司馬舒公。赫德觀兵滇黔。再從陝甘總督黃公。廷桂平定伊犁。經田葉爾。欺不阿克蘇地方。繩行沙度二萬餘里。心計平畫不。

知渴饑諸大臣倚賴甚重而上亦因是深知公爲按察時六安州有河南祝姓者詐僞事發誣引河南寶鬪子寶不伏公命脫械雜長鬚者數人令祝指認祝茫然寶寃遂雪公又常云周道如砥其直如矢凡斷案引律貴得大中不可上奏畏卻因其輕用雖字以揚之欲其重用但字以周內之以故公折獄過慎夜闔決事比持燭折皇瞿瞿申旦勞積疾生舌本中穿漸裂以大醫曰此心血竭火債興之故也竟以不起年六十四先娶金氏再娶胡氏子二長承獻次楷孫四人塋

銘曰衮衮而能行者真也隆隆而仍勞者勤也無釋政故能撫其軍也有仁心乃以備其身也古而不今嗚呼

小倉山房
哉其人也

卷二十五

廣東雷瓊道按察使司副使金公墓誌銘

乾隆丁巳予寓薦主金少司寇家見其從子序倫知原
守濟南被劾歸旗貌軒偉甚口與余朝夕狎宴飲諧謔
相得也已而起廢外用遂別去戊戌冬其子岳爲蜀中
司馬寄信屬余銘墓余弱冠卽受司寇恩今老矣雖其
家之一孽息一童孫有所誣諉誼不敢辭而况君與余
素有撫座之好者哉謹按君諱允彝字序倫一字懿亭
鑲白旗人工部侍郎永錫公之孫宣化府厚庵公之子
行六年未三十循例得南豐縣丞遷兗州府金鄉縣知
縣辦災課最調寧蓬萊引見時奏對詳明世宗大悅
賜偕賜豐貂擢濟南府知府君旣世家又驟受天子

恩。以。才。自。負。與。按。察。使。唐。公。綏。祖。不。相。中。而。唐。又。總。督。
田。文。鏡。所。擢。用。也。據。揭。劾。奏。卽。令。唐。質。訊。之。考。掠。至。再。
君。無。款。詞。當。是。時。司。寇。公。巡。撫。廣。西。密。奏。此。案。有。冤。
世。宗。命。吏。部。尚。書。劉。於。義。刑。部。侍。郎。牧。爾。登。會。同。山。東。
巡。撫。岳。濬。覆。訊。所。劾。果。虛。僅。以。失。察。書。吏。罷。官。皇。上。
登。極。召。見。授。鎮。江。府。同。知。遷。廣。東。南。雄。府。知。府。調。潮。州。
再。調。廣。州。擢。雷。瓊。道。未。半。年。喉。痛。卒。年。五。十。八。嗚。呼。當。
田。文。鏡。柄。用。時。一。時。文。武。大。臣。望。風。墮。媚。無。敢。撓。其。鋒。
司。寇。公。爲。君。叔。父。尤。當。避。嫌。而。乃。毅。然。飛。章。入。告。世。
宗。不。加。之。罪。竟。別。簡。大。臣。爲。之。案。覆。以。示。大。公。以。昭。聖。
人。之。無。我。有。是。哉。君。臣。之。際。至。於。如。此。事。隔。數。十。年。草。

茅聞者猶爲流涕而在君當年之身受者更何如也君
娶夫人楊氏生子四女二長子岳初任廣西羅城令以
于清端公曾宰是邑故考其遺事刊板流傳嗚呼公之
子慕善如是亦君之庭訓使然耶塋某
銘曰寶劍起矣直木擠矣危而後光能有幾矣嗚呼金
君樹樂于墳其毋忘 天子之德之仁

誥授通議大夫陝西按察使秦公墓志銘

余榜中得人最盛爲銘其墓者禮部尙書沈文愨公工部尙書裴文達公而外惟我陝西臬使秦公公以甲辰舉人內閣中書中已未進士殿試第三人授翰林院編修改官九江府知府調廣信府服闋引見再授平陽府知府特遷西安按察使在任九年乞老疾歸卒于商州旅次年七十一公貌清挺長身藍立鬚飄飄若神與人交坦中任真終始如一雖以文學受知今上而未遇時曾叅幕府習刑名故歷外任二十餘年所張施條奏無不上俞下頌九江鹽無坐商零販者必赴省驗收關稅夫錢浮費無算公請大府咨撥省商徑赴儀徵買

運抵郡銷售鹽價以平玉山縣姦民喻開士與監生朱
捷山有仇造逆匪馬朝柱僞劄投棄路傍邑宰某惑之
將與大獄公星馳訊鞠雪其冤長武縣民尙景福等強
借籽種毀書役廬舍公審知皆飢民非盜也殲厥渠魁
餘皆宥釋貴溪有案相似叅將許承麟將以盜報公往
止之申辨良久許不可公忿而歸須臾許求見長跪謝
曰頃公所言老母在屏後悉聞之責我不聽仁人之言
怒而不食今我受母命來承公教矣遂徒一人杖三人
而案以定律載殺死一家非死罪三人者斷給財產殺
二人者不在此例公奏一家中雖人數不一然已殺一
人則其中豈無孤寡倘屍主煢煢無告而凶犯妻子仍

擁厚資於義何常請嗣後凡殺一家非死罪二人者亦
給與罪人財產一半 上深是之載入則例中公雖用
法寬然於大猾無所縱如葭州衙差大荔高陵兩縣之
積匪某皆以罪浮于法特置重典所到處必葺橋梁崇
書院禁溺女卹災祲以故耆民髦士皆迎拜車前歌呼
祝延分校乙丑會試得李因培張紹渠等仕至公卿識
拔靈石縣武童何道深官貴州遊擊 王師征緬時死
錫簡之戰崇祀昭忠人嘆公知人之明性不飲酒在諸
同年席上專視七箸者公與予二人而已公諱勇均字
健資號柱川爲宋龍圖學士少游先生二十六世孫族
大以豐簪紱盈門從堂弟文恭公亦以丙辰第三人官

大司寇父曾榮前母王氏母徐氏俱以覃恩誥封如例妻徐淑人先公卒子鼎雲拔貢生公歿後有相傳爲秦中城隍神者余恐蒙韓昌黎羅池廟記之譏故不具載云

銘曰廉不劇劇何用不臧明能恢恢何弛非張惟觀察公星降文昌初以其耀照臨玉堂繼以其餘施于四方吏也而良刑也而祥橫曰冒彰額手稱慶帝嘉乃猷錫以銀黃天祐有德俾其壽康委化順終塋開原鄉橫山化臺宰樹鬱蒼

原任禮部侍郎齊公墓志銘

乾隆元年秋余與齊公次風同試博學鴻詞于保和殿
一時士論僉以實學推公及榜發 欽取十五人公果
與選余雖報罷而公念同徵之誼最殷後三年余亦入
翰林作後進常與公唱和外出爲令始與公別別四十
七年余老矣遊天台山公死已久且葬其兄周南弟世
南年八十餘龐眉扶杖延予飲其家抱公詩文集百卷
出曰先生視此以志其墓嗚呼當時薦此科者海內凡
二百餘人而今則在野在朝屈指無有也公之遭逢寵
遇升沉禍福非余後死其誰知之而誰表之謹按公名
召南字次風又號息園幼而穎敏讀書十行俱下年十

六受知于督學何公世璣充博士弟子貢入京師中己
西副車雍正十一年督臣程公元章以鴻博薦授翰林
院庶吉士改檢討御試高等超遷至侍講學士加日
講起居注官充戊辰會試同考官上書房行走再遷
內閣學士禮部右侍郎公清癯短身而憑鄉朴之氣溢
于眉宇獨能宏搜博覽記性過人上于寧古塔得古
鏡未詳款式問朝臣莫有對者公引證書史羅縷具奏
上大悅顧左右曰是不愧博學鴻詞矣國家疆域
恢宏烏喇巴哈俱置侯尉又新開伊犁諸臣奉使者輒
先詣齊侍郎家問路公與一册某墩某驛應宿何所需
若干糧數萬里外若掌上螺紋毫忽無訛或問曾出塞

乎曰未也然則何由知之曰不過漢書地里志熟耳問之讀漢書者卒亦不解沈尚書德潛常在 上前譽天

台石梁之奇 上問公公曰荒山礪确不足以勞 聖

駕人笑其奏對率易而 上以此益重之十四年四月

從 上書房歸澄懷園日跌馬驚觸大石上腦涿涿流

昏懵不起 上大驚命蒙古醫速治醫剗生牛腹臥公

其中又取牛腦乘熱納公額左右搖公始蘇當是時

上方嚮川公遣 皇子及中使問病者不絕于道又數

月公病少痊步猶蹢躅頗忘所記書不能握筆又心念

老母乞回籍終養 上慰留再四然後許之還浙後掌

教藏山萬松兩書院 上三次南巡公力疾迎 駕皆

小倉山房 卷二十五 五

召見賞賜優渥先是公有族匪周華者素不良公訓誨
不悛遁海外三十餘年忽因浙撫熊學鵬巡城遮道獻
所著逆書揭公十大罪熊奏聞上誅周華赦公削職
歸里公身受上特達之知方恨無涓涯報而怪民妖
言乃出自近族悔平時教救無素又隱忍不先舉發以
致惡彰于天自分雖九死罪固當而上復屈法活之
恩愈重愧憤愈深結轡不已路上疾暴作還家匝月竟
以不起年六十六嘗言鄺道元水經註明于西北閤于
東南特撰水道提綱三十卷又歷代帝王表十三卷後
漢公卿表一卷所修官書則一統志明史綱目續文獻
通考禮記漢書考證皆所纂也 曾祖三仲祖化龍父

燕俱以公貴贈如公官妻張氏封二品夫人子式遷國

學生女二人葬台州花坑之原

銘曰天台之山其高萬有八千以是鍾靈生公其間學
識其大才擅其全以人視山幾與齊肩雖梟獍嗜其後
惡馬蹶于前而終以受知于天無損其賢嗚呼非我來
遊誰表此阡嗣後川湜湜峰綿綿磅礴鬱積繼公而生
者其又在何年

申憲大夫分巡廣東肇羅道衛公墓誌銘

己亥夏枚還武林晤玉亭衛公于陳葯洲觀察席上德
器粹然知爲賢者今春粵遊路出西江蔣太史心餘寄
聲問公并云兩賢相覲必有傾衿之樂不意到端州聞
公病旋卽不起其子琬歸葬中州乞銘其墓伏思枚于
公爲部民弟樹于公爲屬吏令聞懿範親炙最深聞公
喜枚來將命家人治具張飲談十日以蠲夙疴而不圖
願莫之遂竟殯殮綿延以至于死悲夫豈人生一見天
果靳之耶然而七十衰翁萬里忽至又未嘗非蒼蒼者
示之意也章微闡幽非枚奚屬謹按其狀而爲之銘曰
先生姓衛諱詣字玉亭河南懷慶府濟源縣人以丁丑

進士授工部虞衡司主事外補山西遼州知州調解州
再遷浙江台州府知府薦卓異受

天子知調湖州府知府旋遷廣東高廉巡道調肇羅巡
道兩署按察使年六十一歲而薨公所到有治績遼州
爲山右礮礮之地民藝黍畢多遭蕩公分別五施授種
棉養蠶法置機具于堂皇詠男婦紡織鉤考勤惰不數
年布絹之利賴及他郡其守台也噸縣姦民王開經等
篡其邑令吳某至山中笞辱之勢甚張撫軍王竄望會
同提督進剿槍甲齊矣公時在省入諫曰唐虞之世治
苗民遠方尙以刑不以兵噸縣小醜毋庸大舉詣會至
其地會審某案民頗服今雖非本屬願往擒治撫軍壯

其言許之。公單騎上山。令人前呼曰：「台州知府衛公來。」羣兇素懼公名，咸羅拜爲首者，自反接送縣令出，且訴所以辱令故。公笑曰：「官固不良，然汝等亦當死矣。」皆泣曰：「公命之死如不死也。」遂縛十八人歸。奏斬三人，流二人，釋三十餘人。湖州北鄉多外省軍犯，張設博局誘良家子，使博而陰開小典，沒入其衣物。日久黨繁，官吏慮捕之將爲變，公偵知姓名，隱而不發。探知某日賽神，儼會諸匪，擁儀從，敷粉墨，呼呶入城。公陰乘輿抵虎穴，坐命諸幹役持繩索伏四門。來者縛之，當卽予杖，派往文武衙門充水火。夫給其備嗣，後城鄉肅清。公性慈少所咎督，然義之所在，強直不撓。或大府前論事不合，輒謾。

然歛袂而起曰衛某以爲不可上游俱嚴憚之署臬篆
時治獄尤慎文案稍有踳駁申且不寐致精神越渫體
爲之衰先是公從子諱哲治者從縣令起家官至大司
空以廉節惠政名噪淮海間枚宰沭陽隸屬下久所聞
多端公行事蓋得其家風云父乾德蒙

覃恩誥授奉直大夫母商氏封太宜人妻周氏子四人

女四人孫六人

銘曰真廉勿矜大勇勿爭翬翬衛公秉志孤行爲世甘
澤爲人準繩東甌西晉異音同稱方期大用神化丹青
何圖星隕痛我黎烝儲休啟佑天道神明必有褫禧蔭
及孫曾請看化臺福草叢生

巡視臺灣監察御史李公墓志銘

公姓李諱元直字愚村山東高密人性介而剛少觥觥
有志行以康熙癸巳進士入翰林校丁酉戊戌兩科鄉
會試乞養八年服闋仍補原官雍正七年改四川道監
察御史當是時 世宗憲皇帝喜昌言虛已聽納羣臣
爭上封事公以天下爲己任居臺諫僅八月凡數十章
奏秘外不能知而其所最著者言朝廷都俞多吁咈少
有堯舜無臯夔 世宗不悅卽 召公并 召大學士
朱公軾張公廷玉等廷詰云有是君必有是臣果如汝
言無臯夔朕又安得爲堯舜乎公免冠謝良久 世宗
謂諸臣曰彼言雖野心亦無他次日再 召入 諭曰

汝敢言自好嗣後仍盡言毋懼會廣南貢荔枝卽賜
數枚以旌其直未幾命巡視福建臺灣監察御史取
時憲書親爲擇日而行公感上恩益奮甫到卽奏增
養廉杜餽遺再奏番民利弊數十條上皆是之先是
臺灣爲海外荒服巡使者至自視如客閩門無所理高
枕臥事壹聽于道府相習爲常公悉反所爲又時下所
屬問民疾苦有司怵其害已咸嘆于大府大府以侵官
奏上命議罪遂鐫三級家居二十七年卒年七十三
公受世宗特達之知使稍貶其道和其節藏器待時
則不數年必大用川亦必有所建立而公銳于圖報信
道太篤不肯須臾從容致一蹶不起嗚呼惜哉然而公

之賢。世宗知之。公之過。世宗亦知之。赴閩入見時。

世宗謂其同官奚德慎曰。如李元直者可保其不愛。

錢。但慮任事過急耳。又嘗諭諸大臣云。甚矣人之難得。

也。如李某等。非其任事人。但剛氣逼人太甚。嗚呼。知臣。

莫若君信矣。然古之豪傑。得一知己。即可無憾。而公竟。

得一知己于君父。則雖不用老且死。尚何憾哉。公。

晚年說及世宗知遇之恩。未嘗不潄潄泣下也。初公。

爲翰林時。與孫公嘉淦。謝公濟。世陳公法。交好。以古義。

相礪切。一時都下有四君子之稱。每談必申旦。及孫公。

總督兩湖。承審謝濟。世瞻狗撫軍。公音問遂疎。長子高。

以主事簡發山西。未一年。連得大州。公聞不悅。高寓書。

公甥以自解其于名義大節雖密友愛子不肯苟且如此乾隆甲辰余遊廣西公第四子憲喬爲岑溪令讀余文曰班馬儔也願以先人之狀私于執事余重憲喬學行而于公又爲同館後輩貞石之文所不敢辭謹按公父華國知阜城有善政阜城人至今祠之母孫氏封宏人先後娶兩王氏一任氏皆封宏人子憲高庚戌進士潞安府同知次憲聖憲高憲喬四女四孫塋某銘曰神羊嶽嶽誰折其角寶劍稜稜其鋒孰撓旣已試之又復置之非廢棄之將老其才而徐俟之雖然幸而藏得全其光至今華表尚有寒芒

翰林院編修候補御史蔣公墓志銘

心餘蔣君既卒之明年其孤以狀來曰先大父母傳志
皆先生撰今先君又亡將葬貞石之文知廉等敢循例
以請亦先君志也嗚呼余前春過西江君已半體枯聞
余至喜力疾催飲臨別時手平生事略見示余知其意
泣而領之然私心自揣余忝廁詞館先君七科後死之
責當在君不在余卽在余亦未必銘君兩代而今竟不
然矣然則余之衰固可想見而古人之所謂死友者非
君而何謹按君姓蔣諱士銓號清容一字菰生江西鉛
山人父堅有奇節獨行常遊澤州縛君馬背行千餘里
甫四歲母鍾太室人卽屈竹絲作波磔教之認字君天

稟英絕有覽輒記握筆如天馬怒馳超塵絕迹丁卯舉
于鄉甲戌考授中書丁丑成進士入翰林散館第一授
編修充武英殿纂修分校順天鄉試居官八年乞假養
母僑寓金陵大府聘爲鼓山崇文安定三書院山長君
意洒然有終焉之志會少宰彭公元瑞召見天子問
蔣某何在彭以渠母老對及太室人薨君感上恩入
都京察一等引見以御史用旋患風痺還南昌二年年
六十一卒君秀眉長身兩眸子奕奕如電諧謔風發聽
者傾靡胸無單複不解囁嚅耳語遇不可於意雖權貴
幾微不能容太室人慮其性剛勸令歸里及君再至長
安浮沉舊職一二知己盡矣同列皆闕然少年趨尚寡

諸愈益不自喜遂有輕死生一晝夜之意不自珍擬以致早衰然其胸中非一刻忘世者在戴山時越中富家池三江間日久堙廢君力請于大府借帑辦治日事雖非山長貴然食越人粟則視越人如一家焉掃墓鉛山爲邑人建壩浚渠以通水利修母嶺埕以利文風建棚縣衙便應試者請移駐巡檢于西鄉湖坊警不良者甲戌禮闈落第上命九卿各保一人余少司空將薦君君讓與孝廉某以其母老也有駱生者負鹽課客死君連夜作十三札飛遞嶺南俾其孤孀扶六櫬歸君平素無宿諾故其言于人也信初入京師才名藉甚諸公卿震若麟鳳爭先窺觀裘文達公在上前薦君與彭公

爲江右兩名士以故上屢問君賜彭公詩并及君
乃二十年來彭公官至尚書而君儼然一老詞臣如故
也雖其俄出俄入自緩官階旁觀者不能無惜焉而要
知命之所有君本無心進取且夫孝者所以事君也古
人一日之養三公不易君奉太夫人設教東南有江山
之勝板輿所臨海內捧杖擎觴而至者屢交戶外高麗
使臣餉墨四笏求君樂府歸璧聞之盛天爵之榮近今
未有也晚年雖病廢而神明不衰左手作字橫斜入古
所居藏園水木明瑟王子七孫穿花繞膝而侍死之夕
無雲而雷者三相傳君生時亦然嗚呼其來其去豈偶
然哉君才高而心虛全集皆余商定偶獻一規登時立

改帝至其家見供兩木主曰方伯彭公曰督學金公蓋
君少時受知最深者其敦師友之義死生不易如此所
著古文 卷詩 卷銅絃詞二卷填詞九種娶張氏誥
封家人子知廉拔貢生次知節知讓皆舉孝廉次知白
知重知節知約尚幼女一人以 月 日葬
銘曰懸弧白日雷聲起天若告人生才子既生不用故
何以人再問天天嘿矣振古文人多類此漢之崔蔡唐
之李吁嗟蔣君母乃是平生著述千萬紙有如月照西
江水萬古暉暉光不已勝我才華輸我齒貪我作銘先
我死我敢無言報知己古書黑石鐫蒿里兼儲他年補

國史